

Taiala mo Pupuni Fofoga i le Vaitaimi o le KOVITI-19

Aotelega o Suiga mo Mati 14, 2022

- Ua faafouina ia tusa ai ma suiga i le [Poloaiga o Pupuni Fofoga a le Pule Faatonu o le Soifua Maloloina](#) (nao le Gagana Peretania) ma le [Faaaliga Faasalalau a le Kovana](#) (nao le Gagana Peretania)

Folasaga

O le faia o lau pupuni fofoga, o lou fesoasoani lea e puipui isi tagata faapea ai ma oe. I le tali atu i lenei faamai pepesi i le lalolagi, ua matou iloa o loo i ai taimi ma nofoaga e matuai faaitiitia ai e le faia o pupuni fofoga le pepesi o le KOVITI-19 mai le tasi tagata i le isi, ua faasaoina ai soifua ma fesoasoani ia tatala ai pea pisinisi i se tulaga saogalemu ma le potu. O fuafuaga faifaatasi mo le puipuiga, e pei o le faia uma o tui puipui ma le ofuina o pupuni fofoga, e mafai ona fesoasoani ai e puipui mai le mai tigaina ma faaitiitia le ono mafatia o auaunaga faalesoifua maloloina – aemaise a o maualuga le tulaga o le pepesi.

E tusa ai ma le Center for Disease Control and Prevention (CDC, Ofisa Tutotonu mo le Vaaiga o le Pepesi o Faama'i ma le Puipuiga), e maualuga atu tulaga o puipuiga e maua mai isi pupuni fofoga ma ufi fofoga faamanava nai lo isi, ma e iai foi isi ituaiga e ono faigata ona onosaia le ofuina pe faigata ona tausisi ona faaaoga nai lo isi ituaiga. E pito i sili ona taua ona ofu se pupuni fofoga e fetauti lelei le ofi pe faasao lelei le ofuina o se ufi fofoga faamanava e lelei lona faalogo ma oe ma o loo lelei le puipuiga o loo maua mai ai. E maua nisi faamatalaga i le upega tafailagi a le CDC e faatatau i [ituaiga pupuni fofoga ma ufi fofoga faamanava](#).

E mafai ona faaaoga se ufi fofoga e iai pupuni e tautau i lalo e tagata o loo iai ni tulaga o latou soifua maloloina o loo aafia ai le latou tuputupu a'e, poo aafia ai latou amioga, poo ni faamai ua taofia ai latou ma le faaaogaina o pupugi fofoga. E mafai foi ona faaaoga ufi fofoga o loo iai pupuni ie; e aoga foi mo tamaiti i fale tausitama, toluapiga i le ao, ma faatulagana o K-12 pe a ua le mafai ona latou onosaia le ofuina o se pupuni fofoga e ofi lelei. Tagai ane i le taiala a le Department of Health (DOH, Matagaluega o le Soifua Maloloina) mo faamatalaga tau pupuni fofoga mo [Aoga K-12, Fale Tausi Tamaiti, Aoga Amata, Polokalame Atinae o le Autalavou, ma Polokalame o Toluapiga o le Ao](#) (Gagana Samoa). I le ma lea, tagai ane i le vaega a le CDC [Soalaupulega mo vaega tagata faapitoa](#) mo nisi faamatalaga. E le fautuaina e le DOH le faaaoga o ufi fofoga faatasi o loo iai alāsavili, poo fusi ie o le ulu ma fusi ie manifinifi.

I totonu o [fale faigaluega](#), e ono moomia ona faaaoga ni ituaiga pupuni fofoga poo ufi fofoga faamanava faapitoa. E ono mafai ona faaaoga ufi fofoga faamanava o loo iai alāsavili e tusa ai ma taiala ua faasalalau e le Department of Health (DOH, Matagaluega o le Soifua Maloloina) a le Setete o Uosigitone ma le [Department of Labour & Industries \(L&I, Matagaluega o Leipa & Alamanuia\) a le Setete o Uosigitone](#) (nao le Gagana Peretania).

Faamolemole asiasi ane le [upega tafailagi a le DOH mo pupuni fofoga](#) (nao le Gagana Peretania) mo se lisi o fesili masani i pupuni fofoga.

Faatonuga o Loo Iai Nei ma Poloaiaga mo le Soifua Maloloina

O le lisi o loo iai i lalo i poloaiaga a le lautele o loo iai i le taimi nei o loo manaomia ai e tagata ona ofu pupuni fofoga i faatulagaga faapitoa e aofia ai:

- [Faatulagaga tau Tausi Soifua Maloloina](#)
- Nofoga Ola Toefuataina ma Nofoga Puipui (falepuipui a tagata matutua ma potu puipui)
- [Felauaiga Lautele \(nao le Gagana Peretania\)](#)

Poloaiaga a le Matagaluega o le Soifua Maloloina a le Setete o Uosigitone

O le [Secretary of Health Mask Order \(Poloaiaga a le Pule Faatonu o le Soifua Maloloina mo Pupuni Fofoga\)](#) (nao le Gagana Peretania) ua manaomia ai tagata Uosigitone ona fai pupuni fofoga i [faatulagaga tau tausii soifua maloloina](#) ma nofoaga falepuipui a tagata matutua ma nofoaga puipui, e aunoa ma tulaga ua atoatoa ai ona fai latou tui puipui ma e faatapulaa tuusaunoaga ma tulaga e le aafia ai i lenei poloaiaga. O le usitaia o lenei poloaiaga o le matafaioi o le tagata lava ia; peitai, e iai foi le matafaioi ma pisinisi e faamalosia lenei poloaiaga ma latou afaigaluega ma tagata faatau. Faamolemole tagai i poloaiaga o loo i lalo mo nisi faamatalaga faapooopo.

Poloaiaga a le Malo Feterale

E maua manaoga mo felauaiga lautele i le [Centers for Disease Control and Prevention order \(Poloaiaga a le Ofisa Tutotonu mo le Vaaiga o le Pepesi o Faamai ma le Puipuiga\)](#) (nao le Gagana Peretania). E manaomia i lalo o lenei poloaiaga ona ofu pupuni fofoga tagata o loo faimalaga i luga o felauaiga lautele uma ma i totonu o nofoaga tau felauaiga eseese e aofia ai ae le gata i vaalele, vaatele, vaa laiti, nofoaafi, nofoaafi i lalo o le elele, pasi, taavale ave pasese, ma taavale tumaoti ave pasese. E tatau i faafoe o felauaiga lautele ona faatonuina tagata pasese uma e ofu pupuni fofoga pe a ulufale, ulufafo, ma ia ofu pea mo le malaga atoa. E maua isi faamatalaga i luga o le [upega tafailaga a le CDC o Pulega Faaletulafono](#) (nao le Gagana Peretania).

E le o faatonuina e le CDC tagata e ofuina pupuni fofoga i luga o pasi poo veni o loo faafoeina e polokalame K-12 mo aoga a le Malo poo aoga tumaoti poo polokalame tausii fanau iti ma aoga/tausii tamaiti (ECE, Early Childhood Education). I le latou faautautaga, e mafai e polokalame aoga ma polokalame Early Childhood Education (ECE, Aoga Amata) ona filifilia tagata e ofuina pupuni fofoga i luga o pasi ma veni. Faamolemole tagai i le manaoga ma taiala a le DOH [Manaoga ma Taiala ina ia Foia le Pepesi o le KOVITI-19 I Aoga K-12, Fale Tausii Tamaiti, Aoga Amata, Polokalame Atina'e o le Aualavou, ma Polokalame o Tolauapiga o le Ao](#) (Gagana Samoa) mo nisi faamatalaga e faatatau i femalagaiga i pasi.

Faailiga Faasalalau a le Kovana a le Setete o Uosigitone

Information on the responsibilities and expectations for businesses involving customers and employees is listed in the governor's [Proclamation 20-25.19 COVID-19 Washington Ready \(English only\)](#) and [Proclamation 21-08 – Safe Workers \(English only\)](#).

Faailiga Faasalalau a le Matagaluega o Leipa ma Alamanuia a le Setete o Uosigitone ma le Kovana a le Setete o Uosigitone

E ui ona le manaomia ona faaoga pupuni fofoga i le tele o fale faigaluega e tusa ai ma le faaailiga faasalalau a le Kovana na tusia i luga, e mafai pea ona faamalosia e pisinisi tumaoti le faaogaina o pupuni fofoga pe a latou finagaloina. Faamolemole ia amanaia [tulafono o le nofoaga](#). I le ma lea, e tusa ai ma le [Faaailiga Faasalalau a le Kovana i le Saogalemu a Tagata Faigaluega](#) (nao le Gagana Peretania), o nai afaigaluega o loo feagai ma ni tulaga lamatia faapitoa tau soifua maloloina pe o loo iai nisi o latou

nonofo faatasi i le latou afioaga o loo iai tulaga lamatia e ono tigaina ai i le faamai o le KOVITI-19 e ono manaomia pea, pe latou te finagaloina foi, ona latou ofuina pupuni fofoga; e iai le aia tatau a tagata faigaluega e ofuina ai pupuni fofoga ina ia puipuia ai latou lava tagata, ma latou aiga ma latou nuu. Na pasia e le Fono Faitulafono i le 2021 le Tulafono Taufaaofi Suitulaga a le Senate 5254, o loo puipui ai le aia tatau a le tagata faigaluega e ofu se pupuni fofoga i se vaitaimi o faalavelave faalesoifua maloloina o le lautele, ma ua faatulafonoina nei leni puipuiga i le [Revised Code of Washington \(RCW, Tulafono Toe Teuteuina o Uosigitone\) 49.17.485](#) (nao le Gagana Peretania).

Faamolemole sei tagai ane i le Labour & Industry (L&I, Matagaluega o Leipa ma Alamanuia) mo le latou [Faatonuga ma Taiala mo le Puipuia mai le KOVITI-19](#) (nao le Gagana Peretania) ma [KOVITI-19 Fesili Masani e Faatatau i Manaoga tau Ufi Fofoga ma Pupuni Fofoga mo Tagata Faigaluega](#) (nao le Gagana Peretania) mo nisi faamatalaga mo fale faigaluega.

Faalapotopotoga Faalesoifua Maloloina Lautele ma Tagata Ofisa o Nuu

E iai i tagata ofisa tau soifua maloloina o nuu le pule e faatu ai poloaiga tau soifua maloloina e taofi ai ma puipuia mai ai mai le pepesi o faamai i totonu o le latou puleaga. E ono sili atu le mamafa o nei poloaiga nai lo poloaiga mo le setete atoa, ae ono itiiti atu foi le mamafa. Siaki i le [pulega faalesoifua maloloina a le nuu](#) (nao le Gagana Peretania) ma mulimulitai uma poloaiga faalesoifua maloloina o loo iai mo lena nofoaga.

Fautuaga

E ui ina ta'ua mai faamatalaga o loo i luga manaoga o loo tumau pea mo le faaaogaina o pupuni fofoga i faatulagaga faapitoa i leni taimi, o faamatalaga nei o ni aotelega o fautuaga faalesoifua maloloina mo le lautele mo le silafia.

Fautuaga tau Pupuni Fofoga mo Faatulagaga o Potopotoga e le o ni Potopotoga Faaletausi Soifua Maloloina

E fautuaina le faaaogaina o pupuni fofoga pe a mafai i totonu o fale i faatulagaga eseese nei. Faamolemole tagai ane i taiala o loo patino tonu i vaega eseese o loo i lalo.

- [Nofoaga faatinoa auaunaga mo tagata e leai ni aiga](#) (nao le Gagana Peretania)
- [Faatulagaga Faalepisisi tau Gataifale](#) (nao le Gagana Peretania)(o ni faataitaiga, [vaa faipisisi tau taumafataga mai le sami](#) (nao le Gagana Peretania), vaa la'u oloa, vaa mo turisi)
- [Faatulagaga Faalefaigaluega o loo Tumutumu ai Tagata](#) (nao le Gagana Peretania) ua le mafai ai ona va faamamao tagata ona o le natura o le galuega, e pei o totonu o faleteuoloo, falegaosioloo, ma nofoaga o loo faaafifi ai oloa taumafa ma gaosi ai manufasi
- O nofoaga o loo mafuta faatasi ai tagata i nofoaga o nonofo faatasi ai tagata toatele (sei vagana ai potu moe) e aofia ai nofoaga mo tagata pagota ua tatala mai i tua e faigaluega, nofoaga fesoasoani le tumau, nofoaga mo le toe faaleleia o tagata talavou poo nofoaga e taofia ai tagata, ma fale mo tagata faigaluega faavaitaimi
- I totonu o nofoaga i faatulagaga o loo taofia ai tagata i totonu o falepuipui mo tagata matutua, nofoaga ma potu puipui mo tagata matutua, nofoaga mo le toe faaleleia o tagata talavou, poo nofoaga o loo taofia ai tagata talavou (faataitaiga, potu faamasinoga).

E tatau i tagata o loo nonofo poo faigaluega i faatulagaga ua ta'ua i luga ona mulimuli i fautuaga lava e tasi ma fautuaga mo tagata lautele pe a latou le iai i totonu o na faatulagaga (faataitaiga, pe a afifio atu i nofoaga lautele i totonu o le nuu). E ono faatonuina e le pulega a le soifua maloloina lautele le faaaogaina o pupuni fofoga pe a iai ni tulaga faapitoa, e pei o taimi e pepesi ai faamai.

E ono manaomia e faalapopotoga e le tausia ai le soifua maloloina ae o loo potopoto ai tagata (e pei o pisinisi ma falegaluega) ona faaoga pupuni fofoga i totonu o latou nofoaga. E tatau i nei faalapopotoga ona tagai i vaega uma nei pe a fai se filifiliga pe tatau ona faatonuina le faaoga o pupuni fofoga i totonu o latou faatulagaga:

- Le aafiagofie o tagata i totonu o le faatulagaga
 - E faigofie ona aafia tagata e le'i [atoatoa](#) ona fai latou tui puipui mo le KOVITI-19 i le faama'i o le KOVITI-19 ma e faigofie foi ona tupu ae ia i latou faamai ogaoga
 - E sili atu i tagata o loo feagai ma [isi faamai faapitoa](#) le tulaga lamatia e ono maua ai le faamai o le KOVITI-19 i se tulaga ogaoga
- O le tulaga lelei o alasavili i totonu o faatulagaga – tagai i le [Alasavili ma le Tulaga Lelei o le Ea mo le Faaitiitia o le Pepesi o le KOVITI-19 \(wa.gov\)](#) (nao le Gagana Peretania) ma le [Alasavili i Totonu o Fale | Center for Disease Control and Prevention \(CDC, Ofisa Tutotonu mo le Vaaiga o le Pepesi o Faamai ma le Puipuiga\)](#) mo faamatalaga ma filifiliga mo alasavili, e aafia uma ai nofoaga o loo iai faiga o Heating, Ventilation, and Air Conditioning (HVAC, Faiga Faamafanafana, Alasavili, ma le Ea Malulu)
- Le tulaga e mafai ai ona tutu faamamao ai tagata i totonu o le faatulagaga
- Le tulaga ua masalomia ai poo ua faamaonia ai le pepesi o le KOVITI-19 i totonu o le faatulagaga – e matua fautuaina le faaogaina o pupuni fofoga i totonu o le nofoaga pe a ua pepesi le faamai i totonu o se faatulagaga tausia soifua maloloina o loo potopoto ai tagata
- A maualuga le tulaga ua pepesi ai le faamai i le nuu, ua fautuaina e le CDC ma le DOH tagata uma e ofu pupuni fofoga i totonu o fale, e aunoa ma le tulaga ua atoatoa ai ona fai o latou tui puipui. Tagai i le [CDC Tulaga ua Pepesi ai le KOVITI-19 i Totonu o Nu.](#)

E le tatau e nei faalapopotoga ona taofia tagata mai le ofuina o latou pupuni fofoga pe a ua latou finagalo e ofu. Tagai i lalo mo fautuaga mo le faaogaina o pupuni fofoga mo tagata taitoatasi uma e tusa ai ma tulaga lamatia talafeagai.

Fautuaga mo Tagata Taitoatasi mo le Faaogaina o Pupuni Fofoga

E tatau i tagata ua faaalua auga o le faamai, poo ua faamaonia i suesuega le latou aafia, pe na latou latalata ma se isi ua maua i le faamai o le KOVITI-19 ona ofu se pupuni fofoga, e tusa ai ma le [O le a le mea e fai pe a ua faamaonia i suesuega ua e maua le faamai o le KOVITI-19 \(nao le Gagana Peretania\), O le a le mea e fai pe afai e iai se avanoa ua e ono latalata ai i se isi o loo maua i le faamai o le KOVITI-19 \(nao le Gagana Peretania\)](#), ma le [Laau o Faaiuga e Fai e Tusa ai ma Auga o le Faamai o le KOVITI-19](#). E tatau e tagata taitoatasi uma ona ofu se pupuni fofoga pe a faatonuina mo le faatulagaga o loo latou iai. Tagai i le vaega [Faatonuga o Loo Iai Nei ma Poloaiga Faalesoifua Maloloina](#) mo faamatalaga i faatonuga.

E tusa lava pe a iai ni isi tulaga e ese mai tulaga ua ta'ua i luga, e mafai lava ona ofu e tagata pupuni fofoga i luga o latou lava filifiliga, ma le latou malamalama i a latou lava tulaga lamatia poo le tulaga lamatia o le nuu. E tatau i le tagata lava ia ona tagai i tulaga nei pe a fai latou filifiliga i le ofuina o se pupuni fofoga:

- Le tulaga ua atoatoa ai ona fai tui puipui a lona lava tagata ma le tulaga ua atoatoa ai ona fai tui puipui o tagata a lona aiga, ma ana uo, ma isi tagata o loo latalata ia te ia – O tagata e le o [atoatoa](#) ona fai latou tui puipui mo le KOVITI-19 e tele atu le avanoa e ono aafia ai i le KOVITI-19 ma ona tupu a'e ai se faamai ogaoga

- O [faamai ma tulaga faalesoifua maloloina](#) a le tagata lava ia ma faamai ma tulaga faalesoifua maloloina o tagata a lona aiga, uo, ma isi o loo latalata ia latou e ono faateleina ai le tulaga lamatia e latou te ma'i tigaina ai i le KOVITI-19
- O le tulaga o le nofoaga o loo e iai (faataitaiga, e tumutumu i tagata, e le lelei le faasologa o le ea i alasavili)
- A maualuga le tulaga ua pepesi ai le faamai i le nuu, ua fautuaina e le CDC ma le DOH tagata uma e ofu pupuni fofoga i totonu o fale, e aunoa ma le tulaga ua atoatoa ai ona fai o latou tui puipui. Tagai i le [CDC Tulaga ua Pepesi ai le KOVITI-19 i Totonu o Nu.](#)

Mo nisi Faamatalaga ma Punaoa Faapoopo o le COVID-19

Tausisi ona faafou lou silafia i [le tulaga ua i ai nei le KOVITI-19 i Uosigitone \(Gagana Samoa\)](#), [faaaliga faasalalau a le Kovana o Inslee \(nao le Gagana Peretania\)](#), [auga \(nao le Gagana Peretania\)](#), [pe faapefea ona pepesi \(nao le Gagana Peretania\)](#), ma [e faapefea ma o afea e tatau ai ona faia suesuega mo tagata \(nao le Gagana Peretania\)](#). Tagai i la matou [Fesili e Masani ona Maua](#) (nao le Gagana Peretania) mo nisi faamatalaga.

O le lanu o le tagata/ituaiga o tagata po o le atunuu o se tagata e lē avea ma se tulaga e sili atu le lamatia o le COVID-19. Ae peitai, ua faaaliga e faamaumauga o nuu ma afioaga o tagata lanu e matuai le faatusatusaina aafiaga i le KOVITI-19 ona o aafiaga o le faailogalanu, aemaise lava, faiga faailogalanu a faalapotopotoga ma malo, lea e itiiti ai avanoa mo isi kulupu e puipuia ai latou ma a latou nuu ma afioaga. [E le aoga le faailogatagata e tau ai ma le faama'i \(nao le gagana Peretania\)](#). Faaso ma isi faamatalaga e sao ina ia taofia le faasalalau o tala ma faamatalaga sese.

- [O Faamatalaga a le Matagaluga o Soifua Maloloina a le Washington State \(WA, Setete o Uosigitone\) i le Pesiga o le Koronavairusi 2019 \(KOVITI-19\) \(Gagana Samoa\)](#)
- [O le Tali a le Washington State \(WA, Setete o Uosigitone\) i le Koronavairusi \(KOVITI-19\) \(Gagana Samoa\)](#)
- [Saili Lou Itumalo po o le Matagaluga o Soifua Maloloina \(Na o le faa-Peretania\)](#)
- [CDC Koronavairusi \(KOVITI-19\) \(nao le Gagana Peretania\)](#)
- [Pe Faapefea Ona Fai Pupuni Fofoga e Mauagofie, ma Aoga mo Tagata Logonoa \(Hearing, Speech & Deaf Center \(HSDC, Ofisa Tutotonu mo le Faalogo, Tautala, ma e Tutuli\)\) \(nao le Gagana Peretania\)](#)

Pe i ai nisi fesili? Valaau le matou laina ola Faamatalaga KOVITI-19: **1-800-525-0127**

Aso Gafua – 6 i le taeao i le 10 i le afiafi, Aso Lua – Aso Sa ma [aso malolo faatauaina e le setete \(nao le Gagana Peretania\)](#), 6 i le taeao i le 6 i le afiafi. Mo auaunaga faaliliuupu, **oomi le #** pe a tali mai ma **tau lau gagana**. Mo fesili e uiga i lau lava soifua maloloina, suesuega tau COVID-19, poo iuga o lau suesuega, faamolemole fesootai se Auaunaga Faasoifua Maloloina.

Ina ia talosagaina lenei pepa i se isi fa'atulagana, valaau 1-800-525-0127. O latou e logonoa, faamolemole vili le 711 ([Washington Relay](#)) po o le imeli i le civil.rights@doh.wa.gov.

Faaopoopoga A: Faamatalaga

Faatulagaga Faaletausi Soifua Maloloina

E tusa ai ma le [Secretary of Health's Mask Order \(Poloaiga a le Pule Faatonu o le Matagaluega o le Soifua Maloloina\)](#) (nao le Gagana Peretania), o faatulagaga faaletausi soifua maloloina ma faatulagaga faaletausi soifua maloloina mo vaitaimi umi o soo se faatulagaga lautele poo se faatulagaga tumaoti o loo tele ona faaoga e faatino ai auaunaga faaletausi soifua maloloina mo tagata, se i vagana ni isi tulaga. A tulaga i se nofoaga o loo tele ona faaoga mo le faatinoina o auaunaga faaletausi soifua maloloina, e pei o se falemai, o lona uiga o le nofoaga atoa o se faatulagaga faaletausi soifua maloloina poo se faatulagaga faaletausi soifua maloloina mo vaitaimi umi, ma e tatau ai ona ofu ufi fofoga i soo se mea i totonu o le nofoaga, sei vagana ni isi tulaga e le faamalosia ai le poloaiga mo ufi fofoga. A tulaga i se nofoaga o loo tele ona faaoga mo se isi faamoemoe, e pei o se fale talavai i totonu o se fale oloa poo i totonu o se ofisa o se tausi ma'i i se aoga, e aofia le faatulagaga faaletausi soifua maloloina poo le faatulagaga faaletausi soifua maloloina mo se vaitaimi umi i nao nai vaega o le nofoaga o loo faatino ai le auaunaga faaletausi soifua maloloina, ae e le aofia ai isi vaega o le nofoaga. E tatau ona ofu ufi fofoga i vaega o le nofoaga o loo tele ona faaoga mo le faatinoina o le auaunaga faaletausi soifua maloloina, sei vagana ni isi tulaga e le faamalosia ai le poloaiga mo ufi fofoga. Sei vagana ua tuuese e pei ona ta'ua i lalo, e aofia i auaunaga faaletausi soifua maloloina tagata ua iai faailoga o loo lisi i totonu o le [Manaoga mo Faailoga mo Tomai Faapitoa Faaletausi Soifua Maloloina](#) (nao le Gagana Peretania) faapea ma tagata ua faatagaina i lalo o le tulafono a le Malo ona latou faatinoina auaunaga faaletausi soifua maloloina e aunoa ma se faailoga. **E tatau i tagata faigaluega ma tagata asiasi uma, faapea tagata ma tomai faapitoa faaletausi soifua maloloina, ona ofu pupuni fofoga pe a i totonu o faatulagaga faaletausi soifua maloloina.**

O se lisi lenei o faatulagaga faaletausi soifua maloloina ma faatulagaga faaletausi soifua maloloina mo vaitaimi umi ae e le o aofia uma ai isi faatulagaga e talafeagai ma ia tulaga:

- Nofoaga tausi soifua maloloina mo vaitaimi puupuu, faapea foi, ae e le gata ai, ma falemai;
- Nofoaga tausi soifua maloloina mo faamai matautia mo vaitaimi umi;
- Nofoaga mo le toe faamalosi o tino gasegase o loo taofia i totonu o falemai;
- Nofoaga tau soifua maloloina faaleamio mo gasegase o loo taofia i totonu o falemai, e aofia ai, ae e le gata i, nofoaga mo le iloiloga ma le togafitiga, togafitiga mo tagata ua faalagolago i fualaau faasaina, ma nofoaga puipua mo le toe faamama o le tino mai fualaau faasaina;
- Nofoaga tausi soifua mo le vaitaimi umi mo tagata matutua, e aofia ai, ae e le gata i, fale mo tagata matutua, nofoaga e maua ai ma tagata fesoasoani mo tagata matutua, fale mo tagata matutua eseese e faanonono faatasi, faatulagaga o loo iai auaunaga faailoga ma fesoasoani mo tagata o loo nonofo ai, ma nofoaga mo auaunaga faapitoa mo gasegase eseese;
- Falemai feaveai poo isi taavale o loo faatinoina auaunaga tausi soifua maloloina;
- Nofoaga mo gasegase e le taofia i falemai, e aofia ai, ae e le gata i, nofoaga faamama toto, ofisa o famai, nofoaga mo gasegase tau amio (e aofia ai ofisa o famai o le mafaufau, faufautua mo gasegase faalemaufaufau, ma tagata ma tomai faapitoa i faamai o le lagolago i vailaau);
- Nofoaga famai nifo ma tomai faapitoa tau nifo;
- Nofoaga tau soifua maloloina o mata ma faamai mata;
- Fale talavai (e le aofia ai nofoaga i faleoloa);
- Ofisa fofu (e aofia ai nofoaga faapitoa o loo fai ai fofu i totonu o fale e le o ni nofoaga tausi soifua maloloina e pei o fale fofu ma fale faamalosi tino);
- Ofisa tau tomai faapitoa i sooga o le tino;
- Fale faatosaga ma nofoaga tutoatasi faafanau;

- Nofoga faanofoesea;
- Nofoga e faatino ai taotoga e aunoa ma se taofia i se falemai;
- Nofoga tau tausiga faanatinati;
- Nofoga mo le tausiga o tagata ua aumai i tua mai falemai ma gasegase oti; ma
- Faatulagaga e tausi ai soifua maloloina i le fale, ma tausi ai gasegase i le fale, ma tausi ai le tagata toatasi, poo auaunaga mo le tausiga o gasegase ua aumai i tua mai falemai ma gasegase oti o loo faatinoina e kamupani ua maea totogi.

E le aofia i faatulagaga faaletausi soifua maloloina ma faatulagaga faaletausi soifumaloloina:

- Faatulagaga o loo fai ai taaloga ma faafiafiaga mo tagata maimoa poo isi potopotoga (e aofia ai pe a faatino e faiaoga afeleti ua fai faailoga auaunaga tausi soifua i tagata taaalo), e ese mai nofoga o loo tele ona faaoga e faatino ai auaunaga tausi soifua maloloina, e pei o nofoga faapitoa mo le faatino o fesoasoani muamua (ma o faatulagaga faaletausi soifua maloloina);
- O fale tausi ua laisene ma le Department of Children, Youth & Families (DCYF, Matagaluega o Tamaiti, Tagata Talavou & Aiga) e le tele ona faatino ai auaunaga tausi soifua maloloina;
- Nofoga mo sutesuega e le o faatinoina ai ni auaunaga tausi soifua maloloina i tagata;
- Faatulagaga tausi soifua mo manu;
- Ofisa mo le Vaaia o Manu
- Sosaiete agaalofa tumaoti; ma
- Faleoloa faatau mariuana, e aofia ai ma nofoga o loo iai faufautua o faatinoa auaunaga tau mariuana faafomai

Afai e manaomia e le nofoga tausi soifua maloloina le fai o pupuni fofoga i fafo mai o nofoga, e ao ina e usitaia latou tulafono. Taga’i i le [“tulafono o le potu”](#) e luga atu mo nisi faamatalaga faaopoopo. Faamolemole asiasi le upega tafailagi [Puipuiga mai le Faamai o le KOVITI-19 i Faatulagaga Faaletausi Soifua Maloloina](#) (nao le Gagana Peretania) mo taiala auiliili e aofia ai ma [taiala e pulea ai le tupuaga](#) (nao le Gagana Peretania) ma taiala mo le asiasi atu i isi nofoga tausi soifua maloloina faapitoa.

Tulafono o le Nofoga

E iai le aia tatau o pisinisi, faalapotopotoga, nofoga, ma faigaluega e fai ai a latou lava tulafono mo le faia o pupuni fofoga i a latou lava faalapotopotoga ma nofoga. E manaomia e pisinisi ona tausi manaoga uma e tusa ai ma [faatonuga a le L&I](#) (nao le Gagana Peretania) ma e ono ona latou finagalo ona manaomia pupuni fofoga i nofoga (e pei o nofoga i fafo) e sili atu le puipuiga e maua mai ai nai lo le [Poloaiga mo Pupuni Fofoga a le Pule Faatonu o le Soifua Maloloina](#) (nao le Gagana Peretania).

E ono tuuina atu e taitai o le ofisa o le soifua maloloina lautele o nuu nisi poloaiga faaopoopo o le pupuni fofoga ina ia taofia ai le pesia o le faama’i i totonu o le nuu ma afioaga. E mafai ona sili atu le puipuiga a nei tulafono nai lo le [Poloaiga o Pupuni Fofoga a le Pule Faatonu o le Soifua Maloloina \(Na o le Gagana Peretania\)](#), ae e le mafai ona itiiti atu le puipuiga.

I le ma lea, e ono manaomia e isi tagata, pe ono fai foi se latou filifiliga, e faaauau pea le ofuina o se pupuni fofoga. E iai le latou aia tatau e fai ai le latou filifiliga e ofu pupuni fofoga i le lautele e tusa lava pe a le o faamalasia tulafono o pupuni fofoga a le setete poo le nuu. Faamolemole ia faaaloalo ia i latou ua filifili e ofu pupuni fofoga e puipuia ai latou tagata, ma latou aiga ma afioaga. Ia faamauina, afai ua e filifili e ofu se pupuni fofoga e ono talosagaina oe e toe aveese le pupuni fofoga mai ou fofoga mo se taimi puupuu pe a tulai mai ni tulaga e manaomia ai e pei o le tau faamaonia o lou tagata.